



Sjálfbærnistefna Arion banka í landbúnaði

Júlí 2024

Sjálfbærnistefna Arion banka í landbúnaði

Arion banki leitast við að starfa með einstaklingum og fyrirtækjum í landbúnaði sem stuðla að uppbyggingu og vexti greinarinnar og viðhalda á sama tíma náttúrulegum gæðum til framtíðar.

Við viljum starfa með þeim sem sýna ábyrgð í nýtingu auðlinda, dýravelferð og verndun lífríkis. Við leggjum áherslu á að viðskiptavinir og samstarfsaðilar leitist við að draga úr losun gróðurhúsalofttegunda og vinni að kolefnisbindingu, með það að markmiði að Ísland nái kolefnishlutleysi árið 2040.

Við viljum starfa með þeim sem virða mannréttindi, stuðla að jafnrétti og leggja áherslu á góða og vandaða stjórnarhætti.

Við hvetjum alla okkar viðskiptavini til gagnsæis varðandi frammistöðu í tengslum við umhverfis- og félagsþætti og stjórnarhætti.



Arion banki og sjálfbærni í landbúnaði

Við hjá Arion banka viljum vanda til verka og leggja okkar af mörkum til sjálfberrar þróunar. Við leitumst við að eiga í viðskiptum við einstaklinga og fyrirtæki sem deila þessari sýn okkar. Við leggjum ríka áherslu á umhverfis- og félagsþætti í okkar starfsemi og góða og vandaða stjórnarhætti. Við eigum í víðtæku samstarfi á sviði sjálfbærni og samfélagsábyrgðar og erum aðilar að fjölmörgum sáttmálum og yfirlýsingum á því sviði.

Arion banki styður Heimsmarkmið Sameinuðu þjóðanna og hefur valið sex markmið sem bankinn leggur megináherslu á. Markmiðin sem unnið er sérstaklega að eru markmið 5 um jafnrétti kynjanna, markmið 7 um sjálfbæra orku, markmið 8 um góða atvinnu og hagvöxt, markmið 9 um nýsköpun og uppbyggingu, markmið 12 um ábyrga neyslu og framleiðslu og markmið 13 sem snýr að aðgerðum í loftslagsmálum.

Sjálfbærnistefna Arion banka í landbúnaði er í takt við áherslur bankans og skuldbindingar á sviði sjálfbærni.





Hvatning til bænda og fyrirtækja í landbúnaði

Íslenskur landbúnaður gegnir mikilvægu hlutverki við að auka sjálfbærni og tryggja fæðuöryggi þjóðarinnar. Arion banki hvetur bændur til að nýta auðlindir með hugmyndafræði hringrásarhagkerfis að leiðarljósi og stuðla að kolefnishlutleysi fyrir umhverfi og samfélag. Saman viljum við byggja áfram upp framsækna grein sem einkennist af virðingu fyrir landinu, dýravelferð og mannréttindum.

Dæmi um jákvæðar aðgerðir:

- Draga úr losun gróðurhúsalofttegunda þannig að Ísland geti staðið við skuldbindingar sínar gagnvart Parísarsamkomulaginu og náð kolefnishlutleysi árið 2040
- Fjárfesta í vistvænni tækni og búnaði eins og kostur er
- Skipta út jarðefnaeldsneyti fyrir umhverfisvænni orkugjafa
- Vinna að og styðja við nýsköpun í greininni
- Huga að heilsu og velferð dýra með góðum aðbúnaði og réttri þekkingu
- Framleiða innlend matvæli í þeim tilvikum sem innflutt vara hefur stærra kolefnisfótspor
- Vinna að því að fá eða viðhalda viðurkenndri umhverfisvottun í sinni starfsemi s.s. ISO 14001 vottun, Svansvottun eða vottun frá Túni
- Sjálfbær nýting beiti- og ræktunarlanda
- Betri nýting aðfanga og orku
- Sjálfbær skógrækt og vottuð uppgræðsluverkefni
- Verndun og endurheimt votlendis
- Aðgerðir til að viðhalda og endurheimta líffræðilegan fjölbreytileika
- Ábyrg notkun sýklalyfja
- Fullnýta afurðir eins og kostur er, minnka sóun, endurvinna og endurnýta
- Vanda meðhöndlun úrgangs
- Sýna ábyrgð í allri virðiskeðjunni
- Bæta nýtingu á búfjáraðurði og tilbúnum áburði og auka nýtingu á lífrænum áburði
- Draga úr losun vegna iðragerjunnar
- Kolefnisjafna þá hluta starfseminnar sem ekki er hægt að koma í veg fyrir
- Velja umhverfisvænni umbúðir og pakkningar og draga úr plastnotkun
- Leggja áherslu á heilsu og öryggi starfsfólks
- Virða kjarasamningsbundin réttindi starfsfólks og rétt þeirra til að vera aðilar að stéttarfélagum



Farsælt viðskiptasamband

Við viljum hvetja viðskiptavinum okkar áfram til góðra verka og byggja upp sterkt og gott viðskiptasamband. Til að stuðla að vexti viðskiptasambandsins teljum við mikilvægt að einstaklingar og fyrirtæki í viðskiptum hafi ekki neikvæð áhrif á fólk eða náttúru.

Dæmi um þætti í tengslum við landbúnað sem gætu haft neikvæð áhrif á viðskiptasambandið:

- Brot á mannréttindum
- Mengandi umhverfisslys vegna vanrækslu
- Starfsemi sem brýtur í bága við dýravelferð
- Efni sem eru skaðleg berast með frárennsli út í umhverfið





Fjármálaumgjörð fyrir græna framtíð

Arion banki hefur gefið út heildstæða græna fjármálaumgjörð sem tekur til fjármögnunar bankans og lánveitinga. Í umgjörðinni er með skýrum og gegnsæjum hætti gerð grein fyrir þeim skilyrðum sem lánveitingar bankans þurfa að uppfylla til að teljast umhverfisvænar.

Arion banki býður upp á grænar lánveitingar til fyrirtækja í samræmi við græna fjármálaumgjörð bankans. Til að lán til fyrirtækja og einstaklinga í landbúnaði geti flokkast sem græn þurfa yfir 90% af rekstrartekjum að vera tilkomnar vegna verkefna sem falla undir grænu fjármálaumgjörðina. Jafnframt er gerð ríkari krafa um upplýsingagjöf varðandi ófjárhagslega mælikvarða.

Bankinn býður auk grænna fyrirtækjalána upp á græn bílalán, lán til umhverfisvottaðs húsnæðis og grænan sparnað.

[Græn fjármálaumgjörð Arion banka](#)

[Álit Cicero](#)

[Áhrifa- og úthlutunarskýrsla 2023](#)

Sérfræðingar okkar á fjárfestingarbanka- og fyrirtækjasviði taka vel á móti þér

Við hjá Arion banka viljum vera í góðu sambandi við viðskiptavinum okkar og hjálpa þeim að ná markmiðum sínum og góðum árangri.

